

Fascia

L Gust de la Lum e de la solidarietà

Se à serà sù con na bela festa la 6^a edizion de la scomenzadiva de FassaLux



I gustins à fat de bela raides sul teritorie.

Lé stat n auter istà rich de gust, rich de lum, rich de pèsc. La 6^a edizion del "Gust de la Lum" endrezèda da FassaLux é stata per 64 joegn de duta Fascia na esperienza che ge restarà tel cher. "Chisc recorc farà semper pèrt de nos, ne aede dat n muie e ensema aon emparà n muie. A nos no ne serf suite da cinch steiles, l'emportant l'é stèr ensema e viver con gust" l'é stat la paroles di gustins palesèdes en ocasion de la festa che à serà sù l Gust de la Lum che chest an aea per titol "Me pièsc la pèsc".

Ensema a Thomas, Marco, Matteo, Federica, Vanessa, Chiara e Giacomo i joegn à emparà a stèr ensema, a lurèr adum e a cognoscer noscia val. Via per la 5 setemènes, chest an ogne setemèna aea l'inom de n deit de la man, i à fat desvaliva ativitàes leèdes al teritorie, a la cultura e a la tradizions, i à emparà a cojinèr de gra a la desponibilità de Roseta e Pia Cincelli, a cianter

ensema a Brigitte Canins da Gherdena e l'animatora Vanessa, a balèr col maester Franco Ruggiero, a fèr jehges de giocoleria con Tommaso Brunelli e ejercizies de atletica e sport con l'animator Giacomo.

L dì del spetàcol i à fat veder che che i emparà con cianties, bai e desvaliva performance e tinùltima i à ence endrezà n sketch sui animatores, 6 razes desvalives, ogneun con sia carateristica particulères, ogneun che à dat e insegnà chel che l'à podù, con coraje, cher e piajer.

Thomas a inom de duc i animatores à reingrazià la sociazion FassaLux per l'endrez, la families che à abù fiduzia te ic e duc i gustins: "l'é per voi e con voi che aon podù passèr chest bel istà, senza de voi no fossa nia" – l'à dit.

Emanuele Pederiva, president de FassaLux, ge à sport a duc n fort reingraziament, per aer condividù duc i bie momenc de

l'istà e aer tout pèrt ativamente con gaissa e empegn.

L developei per l sostegn é jit ence a l'aministrazion de Comun de Poza, a don Andrea per aer podù durèr l'Oratorie, al Consorzio Eletrich, al BIM de la valèdes de la Veisc, ai sponsor Tecnica e Felicetti. N fort batiman é jit a Caterina, Sara, Lorenzo e Tita, gustins che se à metù a la leta per Exponiamoci e che con sia vijites à didà dò te sie picol al projet de la Cèsa de Tomanguina de la sociazion Mato Grosso/Freinademetz, ence de gra a la desponibilità de l'Agritur Agua Biencia, la Malga Jumela, la termes Dolomia e l Masc Aloch. La bonaman é stata consegnèda a Franco e Mariano che à aprijia e uzà fora l valor de fèr zeche con cher e con gust. L Gust de la Lum é stat serà sù con gust, ence chest an, co l'augure de se troèr endò ensema l'an che vegn. No Gust, no Party! (mci)

Devalpai!

N devalpai de cher da part di voluntadives de Operazione Mato Grosso e Freinademetz ai animatores e bec del Gust de la Lum per ge aer donà ai bec che stasc a Tomanguina tel Perù le bonaman de soe atività da d'istà.

Donar so temp per i autres te empienesc l cher de legreza.

N gran devalpai ence da part

de Fabrizia
soa vita zen
percheche
davegnir m
vel ben.

Devalp
organisado
"Gust", pe
trasmet a

Donna Monica e Franco!

Fascia

L Gust de la Lum e de la solidarietà

Se à serà sù con na bela festa la 6^a edizion de la scomenzadiva de FassaLux



I gustins à fat de bela raides sul teritorie.

Lé stat n auter istà rich de gust, rich de lum, rich de pèsc. La 6^a edizion del "Gust de la Lum" endrezèda da FassaLux é stata per 64 joegn de duta Fascia na esperienza che ge restarà tel cher. "Chisc recorrc farà semper pèrt de nos, ne aede dat n muie e ensema aon emparà n muie. A nos no ne serf suite da cinch steiles, l'emportant l'é stèr ensema e viver con gust" l'é stat la paroles di gustins palesèdes en ocasion de la festa che à serà sù l Gust de la Lum che chest an aea per titol "Me pièsc la pèsc".

Ensema a Thomas, Marco, Matteo, Federica, Vanessa, Chiara e Giacomo i joegn à emparà a stèr ensema, a lurèr adum e a cognoscer noscia val. Via per la 5 setemènes, chest an ogne setemèna aea l'inom de n deit de la man, i à fat desvaliva ativitàes leèdes al teritorie, a la cultura e a la tradizions, i à emparà a cojinèr de gra a la desponibilità de Roseta e Pia Cincelli, a cianter

ensema a Brigitte Canins da Gherdena e l'animatora Vanessa, a balèr col maester Franco Ruggiero, a fèr jehges de giocoleria con Tommaso Brunelli e ejercizies de atletica e sport con l'animator Giacomo.

L dì del spetàcol i à fat veder che che i emparà con cianties, bai e desvaliva performance e tinùltima i à ence endrezà n sketch sui animatores, 6 razes desvalives, ogneun con sia carateristica particulères, ogneun che à dat e insegnà chel che l'à podù, con coraje, cher e piajer.

Thomas a inom de duc i animatores à reingrazià la sociazion FassaLux per l'endrez, la families che à abù fiduzia te ic e duc i gustins: "l'é per voi e con voi che aon podù passèr chest bel istà, senza de voi no fossa nia" – l'à dit.

Emanuele Pederiva, president de FassaLux, ge à sport a duc n fort reingraziament, per aer condividù duc i bie momenc de

l'istà e aer tout pèrt ativamente con gaissa e empegn.

L developei per l sostegn é jit ence a l'aministrazion de Comun de Poza, a don Andrea per aer podù durèr l'Oratorie, al Consorzie Eletrich, al BIM de la valèdes de la Veisc, ai sponsor Tecnica e Felicetti. N fort batiman é jit a Caterina, Sara, Lorenzo e Tita, gustins che se à metù a la leta per Exponiamoci e che con sia vijites à didà dò te sie picol al projet de la Cèsa de Tomanguina de la sociazion Mato Grosso/Freinademetz, ence de gra a la desponibilità de l'Agritur Agua Biencia, la Malga Jumela, la termes Dolomia e l Masc Aloch. La bonaman é stata consegnèda a Franco e Mariano che à aprijà e uzà fora l valor de fèr zeche con cher e con gust. L Gust de la Lum é stat serà sù con gust, ence chest an, co l'augure de se troèr endò ensema l'an che vegn. No Gust, no Party! (mci) 4/4